

DE URBIS
Londini Incendio
ELEGIA.

Accedit etiã
Ad eandem Urbem & ad Britanniam
CARMEN HEROICUM.

Ambore GUILHELMO SMITH.

*Est autem latius sparsum [Incendium ;] primùm
violentiã Venti ; deindè inertiã hominum ;
quòd satis constat, otiosas & immobiles tanti mali
Spectatores perstitisse. De Incendio Nicomedix
Plinius Jun. 43 Epist. ad Trajanum.*

L O N D I N I,
Typis G. Godbid prostantque apud Radulphum
Needham in vico vulgo vocato Little
St. Bartholomews. M.DC.LXVII.

Dignissimis Spectatissimæque Viris

Magistro, Guardianis & Assistentibus

Amplissimæ Societatis

PANDOXATORUM LONDINI,

Patronis suis benignissimis.

Hanc de Incendio Urbis Elegiam

Dicat Devotæque

L. L. M.

GUILHELMUS SMITH.



LONDINI renascentis *Imago*

POETICA

Ad Serenissimum Britanniarum

Monarcham

CAROLUM II.

Idem *Ego* qui *subitus LONDINI* e funere *Vates*
Exilui; tactusque pari *feruore*, cadentis
Exequias cecini; qui *sparsis* strage *ruinis*
Condolui, & fo: os gremio *laërymabilis Urna*.

- 5 *Calseci cineres*; *meritis* qui denique *pænis*
Immanem Authorum Satyra mordace *furorem*
Deuovi; quæ, *lata novæ primordia cantu*
Urbis *ovans celeberrima*, & *tantis fausta ominor Ausis*.
 O si *Thyreicejs* mihi *ducere Carmina nervis*,
 10 *Aut Tyrio* *numeros vocales fundere Plestro*,
Fas foret. *Hercynias* *trepidante cæcimine Sylvas*
Ad tua LONDINUM *conciem mœnia Cantu*.

- Ultro Alpina *Abies*, ultro Berecynthia *Pinus*
 Argutam sequerere *Chelyn* ; convulsaque tota
 15 *Dodones* ageres radice tripudia *Quercus*.
 Et nulla cadente *manu*, cessante *dolabra*,
 Ad sua formarent sese consortia *ligna*.
 Linqueret *auritus* planta juga acuta sequaci
 Mox *Lapis*, & tremulo *nutarent* vertice *Rupis*.
 20 Tota fores exhausta *Paros* ; subsidere celsi
 Gestirent, omni *seducto marmore*, montes.
 Inque aptos mox sponte locos *quadrata* venirent
saxa, & grata suis præberent *otia* Fabris.
 Quæ, quoniam *nobis* tenuis non præstat arundo ;
 25 Æquum humeris tentamus Onus, ne forte gravata
 Abnuat, aut nimio subsidat pondere cervix :
Plaudere contenti *captis*, &, amica precantes,
 Poscere *optem cæli* votis, *hominumque labores*.
 Sic turgente canit *Mavortia Classica* bucca,
 30 Belligeras rauco dum provocat ære cohortes,
Imbellis Tubicen, flatuq; exasperat enses.
Extremum hunc Vati, (*Cæsar*) concede *laborem* :
 Namq; *iiisdem* aggredienda mihi *molimina tanta*.
Anspicijs, *Urbs* ipsa *caput* quibus exerit *Urna*.
 35 *Turrisferum*, speratq; suis *succedere* *Bustis*.
 Nec, si forte tuas *rumor* penetravit ad aures
 Ante *minora* meis inscribi *Nomina* chartis ;
 Succense, *partes* aut dedignare *secundas*.
 Namq; *aspirantem* tanta ad *fastigia* *Mulam*,
 40 Par fuerat, *medico* prius exercere *volatu*,

Ne daret in præceps pavidam *versigine* culmen.

Sic, *tener* a nido cum primum educitur Ales

Subsultum *nativus* tremens *Virgulta* pererrat ;

Mox, *peregrina* petenti usu fiducia crescit,

45 Donec Iter liquidum, firmatus, præpete penna

Radiat, & immenso sese permittit Inani.

Nec, (licet & *reliquis*, qua res satis apta monebat,

Interspersa simul *CAROLI* sint Nomina *Scriptis*,)

Verfantem in *Tumili*, & olentem *Rudera* Musam,

50 Æquum erat *Augusti*, Titulos præferre Monarchæ :

Nunc, *Urbis* cum cœpta novæ *fundamina* surgunt,

(*Regium opus*,) tantisq; lubens congratulor *Orbis* ;

Non *alia* imploranda mihi est *Tutela* canenti,

Quam sub *qua* quæcunq; cano, stant *tuta*, *favente*.

35 Te nuper, cum *visita* talis *Industria* cessit,

Civis & *affirmans Pradam*, victricibus urbem

Tradideras flammis, *Statorem* vidimus *Arma*

Urgentem, & *sparfas revocantem* ad prælia *Dexteras*:

Te post *acceptam* miserando funere *cladem*

60 Sensimus auxilio *Legum* sarcire ruinas

Sollicitum : Optatam, Te restituyente, videmus

Multiplici tandem stabilitam *foedere Pacem*.

Belli ferrato clausæ stant objice *Portæ* ;

Arma silent, dum *Fura* sonant ; *Altaria* fumant ;

65 *Aquora* scinduntur *rostris*, & vomere *Glebae* ;

Exercent *Cives commercia*, & otia *Musæ*.

Jamq; age, conficias cumulum, benefacta coronas ;

Et similem imponent apicem sperata peractis.

Rudera

- Rudera sola vacent, qua gaudent omnia, Pace,*
 70 *Donec in angustam, Te, surgant, Auspice, molem;*
Et Titulis æquata tuis fastigia, Caesar,
Incluta venturis tradant sua nomina seclis.
Sic, Tibi primævi cedent præconia sulci,
Priscæq; obumbrabis merito benefacta recenti,
 75 *Subversam melior renovas dum Conditor Urbem.*
Tuq; Sator Rerum, quem Verbo & Flamine constat
Omniſerum impregnasse Nihil; vacuumq; profundum
Informi implevisse Chao; dein semina amica
Pacificis junxisse Toris; queis Bella placebant,
 80 *Dissociasse locis; Ex quo distincta nitebat,*
Et meruit moles ornati nomina Mundi:
Quoq; iubente Rogis resoluta cadavera, firmi
Credimus in veteres iterum reparanda figuras;
Pristinæq; unanimi coitura in corpora motu,
 85 *Adversis medio Orbe plagis distantia Membra*
Et sua post longi memores divortia sæcli,
Restauraturas genialia lædæra Mentes:
Supplicibus faveas. Neq; enim minuentia Numen
Auxilia orantes, sacris advolvimur Aris:
 90 *Congener his, Te poscit Opus; Virtute probata*
Adfis, & simili similem Te accinge Labori.
En Urbis Cumplum deformem! En Busta, Rogoq;!
En Ossa, & Cineres! Aprum conscende Theatrum,
Præteriti documenta adhibe, faciantq; futuri
 95 *Certam visa Fidem. Tanta surgente Ruina,*
In Monstris Atheus cenſebitur: ardua credi,
Asseret

Asseret *Exemplum*; & fieri quæ posse negant.

Posse dabunt, qui facta vident *cognata negatis*

Dicite Io, Musæ! *Sterili* tabescere voto

100 Non finit orantem, nec *surdas* objicit aures
Numen; habent quæsitæ preces: En littora tangit
 Puppis, & optatas referunt mea *Carbasæ* merces.
 Sensimus: Ex *Adyto* tandem *Responsa reclusa*
 Non ingrata sonant, *Sperate surgite Turres*.

105 *Salve, festa Dies, fastisq;* aurata *resulge*
Perpetuis, in qua *Augustæ* fundamina *Bursæ*
Cæsareæ posuere manus; *Trullamq;* tenente
Sceptrigero, intrita coierunt *Marmoræ* calce.
Tuq; *Lapis, CAROLO* haud frustra ponente *superbus*;

110 *Uq;* *inscripta* gerastanti *præconia Fassi*:
Exemplo jam fervet *opus*; præeunte *Monarchæ*,
 Est cessare *scelus*. *Propriis Ars* quælibet *Armis*
 Constrepat & mistis resonat clangoribus æther.
 Dente *Ligo* cumulos minuit, *Palaq;* ministrat.

115 *Rudera* distinguit confusa foramine *Cribrum*.
Stridet Lima. Calet numerofo ferreus ictu
Malleus. obtrusa renovantur cote *secures*.
 Robur edax findit repetitio vulnere *Serra*.
 Abradit *Runcina* dolati segmina ligni.

120 Et morsu *Terebra* fodiuntur *Tigna* gementis.
Ignitusq; *Chalybs* alienas verbere formas
 Induit, & liquidis perfusus *sibilas* undis,
 Et quæ *Mechanicas* celebrant miracula *Musas*,
 Adsunt cuncta *Opes*: Quis clares magne *Vitruvi*;

Quæque

125 Quæque *Syracossio* descripsit *pulvere* mirus
Arte Senex, dignusq; suo superesse labori,
 Qui cecidit sævo confossus pectora ferro,
 Et doctas *proprio* confudit *sanguine* formas.
 Hinc, qua deciduo minitantes vertice pendent,

130 *Implicito* obliquos miscens *sinuamine* nexus,
Cochlea semirutas *contorta* statuminat ædes.
 Inde, volubilibus versati funibus *Orbes*,
Ardua suspensas ducunt ad *culmina moles*.
 Tu quoq; *inæquales* non frustra imitate *stateras*,

135 Immenſum relevas leviori pondere *Tollo*.
 Et versatilibus suffulta utring; *cylindris*,
 Grandia propellunt impacti Robora *Vectis*.
 Dumq; *humeris* urgetur onus *manibusq;* molestum;
 Unanimi regitur connixa *Celeusmate* virtus.

140 Ne ve novas confusa serant *Confinia* lites,
Ambigui docto dirimuntur *Judice Fines*.
 En! novus antiqua regnat *Metator* in Urbe,
 Publica & *infoſſo* conſignat *Limite* Jura,
 Deinde cavet, *paribus* surgant ut *frontibus* ædes,
 Et *faciem* exhibeant qualem *deceet* eſſe *ſororum*.

145 Parjetibus dat *Norma* modum; replentur hiatus;
 Et gibbosa operi deterget tubera *Amuſſis*.

O dulces ſtrepitus! *Incantans muſica*! cunctis
 Antefeſtenda ſonis: præ qua modulamina ſtrident

150 *Biſtonia* concinna *Lyræ*; nec tanta dolores
 Solatur, mulcetq; animos, curasq; relaxat,
Auratum *Phœbo* *ſybarum* pulſante voluptas;

Quantum

- Quantam dat mixtæ *discordia* Turbæ,
 Dum *varius* socias exercet *Conditor* Artes:
- 155 Cordaq; discusso fiunt mærore serena,
 Nupera queis tristes merferunt funera mentes,
 Nec mirum. meliore sono nam *Tecta resurgunt*,
 Quam quem *lapsa* dabant; strepitusq; benignior audi
Condentum Civis, quam quos resonantia planctu
- 160 Pectora, et *everse patriæ* fecere fragores.
 Nec cessatur *Agris*. Penetrantur *viscera Terræ*,
 Ingentesq; *specus* camerata *rupe* dehiscunt.
 Miranturq; novis *æterna silentia* rumpi
 Vocibus; & trepidant *immisso* *fidere* Manes.
- 165 Sede evulsa sua quadrantur *Saxa* novisq;
Conjugijs aptanda, gravant stridentia plaustra.
 Duraq; nativa spoliantur *Marmora* crusta,
 Ut prius ignotas capiant imitamine formas.
 Nec non vicini nudantur *cespise* campi.
- 170 Egeriturq; *lutum*, quod *carpto* *stramine* mistum,
 Solari *exiccant* radio; mox concipit *Ignes*
Fictilis, & rapidis duratur *Lamina* *furnis*.
 Non hanc impulsi minuunt Aquilonibus *imbres*,
 Nec constipato labefactat frigore *bruma*,
- 175 Nec poterunt æstu crepitantes solvere *flammæ*:
 Sed *silices* longa & *marmor* superante senecta,
Temporis absūmit tritos aspredine *dentes*.
 Taliter *æternam* coxisse *Semiramis Urbem*
 Fertur & *incensis* vetuisse incendia *Muris*.
- 180 Et *sylvæ* detractus Honos *Impervia* *Phæbo*

Vifibus humanis retegunt querceta secures,
Horrendas senio nitidum *Jubar* explicat *Umbras* :
Lucus & *admiſſæ* jam debet *Nomina Luci*.

Intonſis veneranda comis ſternuntur ubique
 185 *Robora* ſubjectas ſulcantia verbere glebas.
 Quin et, ſæva jugis *geminantur vulnera*, & omni
 [*Urbs reparanda*,] ſonat plaga *reparabilis Echo*.
 Subruta *torquæ* plorant ſua teſta *Palumbes* :
 Celatoſq; gemit vulgari *Turtur* amores :

190 *Pica* Loquax querulo dicit *convicia* roſtro,
 Excutienda gemens laqueatis pignora *Teſtis* :
 Atq; exuta ſuis *Cornix* ſtrepit improba *caſtris*
 Auritos produnt *Lepores* umbracula nota ;
 Nec tuta alipedi ſua ſunt habitacula *Cervos* ;

195 Et timidæ fugiunt detecta cubilia *Damæ* :
Prædaq; ſylvæ vallo indefenſa recifo,
 In campis *catulo naſuto* cedit a pertis :
 Agnoſcitq; *ſciens* vix jam juga tonſa *viator*
 Sed ſtupet *abrasos* ſubito *calveſcere montes*.

200 Nec non materiam *Fabris* dant *extera Regna*.
 Dulcia odoratæ *Libani* fert munera *cedri* ;
 Incoctum advehitur *Chalybum* fornace *metallum*
Cimbrica progenies, *Abiegnus* ducitur *Aſer* ;
 Splendidum *Ebur*, triſtemq; *Ebenum* (pugnantiadona)
 205 *Indus* ; & (*Idmonia* quæ fertur inhospita *Tela*)
 Enodem ratibus tranſmittit *Hiberna quercum*.
 Quin & *diverſis* veniunt exciſa *fodinis*...
Marmora, nativo pariter variata colore.

- Purasilla; *nives*, & *cygni æquantia plumas*,
 210 *Ista picem*, & *nigros* quos fundit *sepia*, *succos*.
 Sunt quoq; *sanguineas* radijs imitantia *venas*,
 Et quibus (ut varijs cum *cælum* pingitur *Asiris*)
 Permista *albentes* distinguunt *cæula guttæ*.
 Quæq; *Medusæo* creduntur *sanguine* tincta,
 215 Congrua multicolor queis fecit nomina *Serpens*.
 Quid, quod & *Augustæ* redivivæ surgit *Imago*
Littore in externo? Ligno compactile Lignum
 Aptat ad Exemplar *peregrini* Ars sedula *Fabri*;
 Divulsaq; iterum ratibus confundit onustis,
 220 Firmius in *proprijs* statuendas *sedibus* ædes.
Classibus advehitur *Londinuno*. Verbere fervet
Æquor, & adductis pulsantur pectora remis.
Velaq; turrisferis implet dum flatibus *Eurus*,
Nupera nutritæ redimit dispendia flammæ.
 225 *Angliæq; adnantiem* miratur *portubus Urbem*,
 Et *consutilibus* sterni sua littora *Vicis*.
 Sic, cum *Latonæ* parienti *Terra* negaret
 Tota Locum, *Delon* fertur *Neptunus* in undis
 Instabilem admovisse, gravis quæ pondera ventris
 230 Susciperet, *geminisq;* daret cunabula *Divis*.
 Sic, (nisi vana crepant) *Galileis* advena ab oris
 Ad *Lauresanæ* quondam confinia *ville*
Christiparæ erravit *Thalamus*, numerosior unde
 Ad *peregrinantes* *Peregrinus* convolat *Aras*.
 235 Excitusq; *novo strepitu*, caput extulit imis
Fluctibus, & cilia *ambusto* deformia *musco*

Fluviorum Dominus *Thamisis*, recolensq; calores
Perceptos quorum vix-dum *desederat horror*,
Anxia contiguus admovit lumina *ripis*.

- 240 Utq; novas vidit surgentes littore moles,
 Obstupuit, volvensq; oculos, *reptantis* ab *Urna*
 Quælibet *Urbis* obit læto spectacula vultu;
 "Et tua, quis, *dixit*, miseratus rudera, amicam
 "Desuper extendit dextram, auxilioq; jacentem
 245 "Erexit *Superum*? Cœlesti munere certe,
 "Sic rediviva nites. Dat Fabula nota *duobus*
 "Laomedontæ *Divis* fundamina *Trojæ*
 "Et substracta refert magnis stipendia *Fabris* :
 "Cecropias fundasse *Arcees Tritonia* Virgo
 250 "Fertur, et *enata* sacrasse cacumina *Oliva* :
 "Utraq; at *Urbs* tibi si fuerit collata *renata*,
 "Artifices posset *Divos* mentita videri.
 "Non, quæ *cantatis* coierunt culmina *saxis*;
 "Sidonis aut *corio* quæ cinxit mœnia *secto*;
 255 "Non, quæ *Tarpejo* quondam vibrata *Tonanti*;
 "Nunc *Vaticanis* Urbs torquet fulmina *pinnis*;
 "Non, quæ magnificæ *septenis* æmula *Romæ*
 "Collibus assurgens, olim contenta dedisse
 "Diviso Dominos, nunc *totum* vendicat *Orbem*;
 260 "Nec, quæ *Sequanicis* animosa *Iutetia* turget
 "Fluctibus, & domito minitatur vincula *Rheno*;
 "Nec, sese æquoreis quæ contemplatur in undis,
 "Et stupet *Adriaco* reflexum gurgite *Marcum*;
 "Nec, quæcunq; crepat *Latialis* cætera fastus

"Culmina

- 265 " *Culina*; (seu, vernosquæ præfert nomine *Flores*,
 " Dicitur & *festis* tantum *spectanda diebus*,
 " Quam ripa præceps *Arno* miratur utraq;
 " Seu, quondam *Ambrosij* cælesti *Nectare* pasta,
 " Ad rapidas *Athesis* quam condidit *Insuber* undas ;
- 270 " Seu, nova vicini *ructus* pertaxa *Vesperi*
 " *Parthenope*, *Hispanosq;* magis partaxa *tumores*)
 " *Equali* tecum certabunt *Judice*. Tantum
 " Anteferenda alijs tolles fastigia, quantum
 " Trascendit tenuës *quercus* procera *genistas*.
- 275 " Quin agite, O *samula*, totos effundite *Fontes*
 " *Naiades*; Et pleno fluvius protuberet alveo
 " Spumeus, & tumidæ vada condant vitrea lymphæ
 " Ut pateat facilis *ratibus* per cæcula cursus,
 " Et lætas *Nautæ* jactent ad littora voces.
- 280 " Remulcis (en !) unda latet : *gemit* omne subactum
 " *Ponderibus*, tantoq; *oneri* vix sufficit *aquor*.
 " Hinc, effossa natant *ratibus* candentia *montis*
 " *Viscera*, quæ *cretæ* mutabunt nomina *calce* ;
 " Inde *Lapis* prono quadratus labitur amne
- 285 " Multus, et *obsequio* ferri lætatur *aquarum*
 " *Bellofiso* vicinus Ager quem fundit ab imis
 " Speluncis, quo celsa nitent *habitacula Musis* :
 " Et *Bodleianum* celebrantia culmina *Nomen* ;
 " Et (quo *Romana* superatur gloria *Pompæ*)
 " *Præfule magnificum* surgens condente, *Theatrum*.
- 290 " Dat quoq; *Durotrigum* quæ fractis fertilis *Oris* :
 " Objaacet, & *longa* lambit confinia *lingua*,
 " *Insula* :

- “ *Insula*, Dalmatico certantia Marmore saxa,
 “ Quæ refluo Nereus adpellit portubus astu.
 295 “ Sternuntur *trabibus* ripæ. Descendit in undas
 “ Omne *Nemus* : nostro, vix *tuta* in margine glaucæ
 “ Stant *Salices* raraq; fricat se *Mullus* in *umbra*;
 “ *Pauca* susurranti jam *Sylva* admurmurat undæ,
 “ Aut *tremulo* pingit crispatos *lumine* fluctus.
 300 “ Sed neq; *conquerimur*. Modo quæ mihi deficit *Arbor*
 “ *Londino* poscente, cadat. Sævite *bipennes*,
 “ Pandite *saltus*, sternite *lucos*, radite *montes* !
 “ Pro *merito* jam *crimen* erit. Nos, *nulla* ruina,
 “ *Hac* surgente gravat. *Dicenti* *Italia*, vocem
 305 Obruit, exortus riparum in margine clamor
 “ *Nauticus*, & lætis tonuerunt *Ignibus Arces*
*Pini*fera proras torquente ad littora *Classe* :
 Et *cava* reddebant repetitas *rudera* voces
Auditis : *fluidaq;* simul plaudente *Theatro*,
 310 *Conticuit*; gaudensq; *suis* caput abdidit *Antris*.
 Interea, notos replent *Examina* vicos,
 Conducunt *operas*; pretio precibusq; labores
 Accelerant; *Dominiq;* oculis, manibusq; *ministri*,
 Festinatur *Opus* *voteq;* citatius ipso
 315 Exurgunt *ades*, & spem solertia vincit
 “ Sic, ubi *florilega Genti* nova *castra* parantur,
 Munera *divisim* peragunt. Pars, aspera dente
 Purgat, et erosas extra pomæria micas
 Projicit; *his*, *vicos* statuunt, *sexangula Tecta*
 320 Disponunt Procerumq; *Aulas* plebifq; *Tabernas*

- It *vaga* per campos *Legio*, *viscosaq;* passim
Frustra legunt alacres, & lenti *glutinis* offas,
 Fundamenta operi: *reduces* pars altera plausu
 Excipit, & tepida *roratim* aspergine *massam*
 325 Contrectando domat; solerti deniq; lingua
Ductilis in tenues formatur *bractea* cellas.
Myrmidonumq; pari fervescit *gleba* tumultu,
 Sive petant cæcis deserta cubilia *Talpis*;
 Aut cariota cavant *annosa* viscera *quercus*;
 350 Ut nova *communi* statuunt fundamina *Villæ*.
Hinc, *metante* frequens transcurritur area *planta*:
Inde, *pavimentum* multo *verrente* nitescit:
Hi, *paleas* stipulasq; legunt, oneriq; molesto
 Supponunt humeros, (*hastas* dispersa putares,
 335 *Agmina*, ab *adversa* *fractas* *referentia* *pugna*:)
Parè, instare operis: *Pars*, cælas dente cavernis
Stramineas aptare *trabes*, & *fulcra* locatis
Subdere, & *impactis* denso firmare *decussi*:
 Donec inæqualem faciente cacumine *conum*,
 340 *Pyramis* excutiat rapidis *perstatilis* Imbres.
 Pergite felices; *Patriæ* *vestite* *ruinas*,
Squalentesq; *Rogis*, *Civis*, ornate *Penates*.
Fecundiq; novos ex ipso funere muros
 Parturiant *cineres*; *pubescant* *mœnia* *lesho*.
 345 Ut quibus insedit reflexa *prioris* Imago
LONDINI, non *prisca* minus *vestigia* quærant,
 Quam *veteres*, auctis opibus, quis quærit *amicos*.
 Dumq; *vix ignarus* per compita *nota* *vagatur*,

Incola

Incola mutata fiat *peregrinus* in *Urbe*.

- 350 *Ipsa* etiam usq; adeo in *melius* potuisse *renasci*,
Vix credat licuisse sibi, dum *nubila* calcans,
Ardua *vicinis* fastigia conferit *Astris*.

Sic, postquam ardentem *Senonum* perpeffa furores,

(Cum licitata *auro Tarpeja* redemerat *exul*

- 355 *Culmina*, & injusta trutinatum lance Tonantem,
Tristibus emerfit Tumulis *Urbs* alta *Quirini*,
Immenfum praelata sibi est. *Squalentibus* ante

Quæ fuit interpersa *casus* infamis *Asyli*

Reliquijs; quæ (*Pastorum* referentia *sedes*,)

- 360 *Contigua* erubuit *modicis* habitacula *Templis*;
Et *dictatorem* non aspernantia *arantem*,
Ipso sparsa *Foro* cognata *mapalia* villis:

Forte & *Stramineis* *telhis* adoperta videbat

Antiqui *Delubra* *Numa*, ficulnaq; ab *Aris*

- 365 *Numina* quæq; suis *Ignes* metuentia *Fanis*;
Quæq; *focos* *fovis*, simul et *cobibere* *perennes*,
Sollicitam: *solas* *perijsse* in *Funere* *rugas*

Sensit ut in *viridem* redijt renovata *Frumentam*.

Romaq; ut *augusto* tandem *splendore* niteret,

- 370 *Gallorum* fecere *faces*. Pro *cespite* *Marmor*
Successit; *fulvum* radiavit in *Arcibus* *Aurum*,
Ipsaq; *fulgenti* cesserunt *astra* *metallo*:
Et *solo* meruit *forma* certamine *victo*

Digna recognosci, quæ *fræna* imponeret *Orbi*.

- 375 Præ reliquis tamen hæc *rediviva* gloria *Romæ*
Carminè digna *meo* est, *vestroq;* *imitamine* digna,

- Si qui *firma* novis cupitis fundamina tectis,
Fumosos non illa *Lares* contenta, renata, est
Privatis coluisse *focis*, cumq; *atria* Cedro
382 Quisq; *sua* induerat, congesto *cespite* Numen
Ilignum venerari, & *thura* adolere *tigillis*:
Sed *propijs* statuente *Fabro* fundamina *cellis*,
Divorum par *cura* fuit. Mox *aurens* *Arce*
Jupiter intonuit: vibravit *Cynthius* *Ignes*,
385 *Nativum* fulgore *jubar* vincente *Metallo*:
Congeneres torfit *radios* *Argentea* *Phabe*:
Canduit & solido *secura* in *marmore* *Vesta*:
Flava *Ceres* *pretio* facta est: *Saturnus* *acervis*.
Incubuit: *Cælo* cognata *Palatia* *Juno*
390 Incoluit: nituit *gemmata* *Gorgone* *Pallas*:
Addidit & *Veneri* vestis pretiosa *decorem*:
Ignivomisq; *Pater* *Gradius* inhorruit *armis*:
Dignus & *Imperio* fulsit *floriente* *Quirinus*.
Nempe *novo* scelus *excidio* duxere *piandum*,
395 *Numina* *privatos* sumptu *superare* *Penates*,
Et solos *splendente* *Deos* *sordescere* in *Urbe*.
Quin & *Portentis* *augusta* *cacumina* *Memphis*
Ipsa dedit. Tectis ubi *nidificavit* *eburnis*
Ibis, & *illustri* *sacrata* est *simia* *Templo*:
400 *Torvus* & *immensa* *mugivit* *Osis* in *Æde*:
Cui *simili* *cornuta* *remugijt* *Inachis* *Aula*:
Dispare *quin causa* nos *provocat* *emulus* *Ardor*!
Incastrum nostris certe *radiavit* in *oris*
Lucifer, et *tenebras* *discussit* *lumine* *opacas*

- 4⁵ Cœlo exorta Dies ; si ludicra Numina Verum
 umptibus exuperent & magnificentius ipso
 Naturæ Domino latrans habitabit Anubis ;
 Ipsaq; non ficti sint Tempia minora Tonantis.
 Nemo suas sacro obducat velamine sordes ;
- 4¹⁰ Et puri hospitium cordis, sanctosq; recessus
 Devota mentis, noxaq; & fraude carentis,
 Plus regerat, placuisse remotæ a corpore Menti,
 Quam celsa externa sacrata cacumina Pompa.
 Constat enim, hæc placuisse tamen. Nec parva recusat
- 4¹⁵ Dona Deus, nec magna rogat ; pariterq; remotus.
 Pauperie et fastu, metitur cuncta decoro,
 Non pretio : oblatoq; sciens ex munere Mentem
 Æstimat, & danti data lance reponit eadem.
 Displicet & certe (parca Pietatis Asylum)
- 4²⁰ Cultus simplicitas animo prætenso tenaci :
 Dum vilis tiguristabulatur tegmine Numen,
 Sordidaq; extenso peraguntur sacra cadurco,
 Vestra etiam haud dubie cum tanta impendia, Cives
 Ostentant uimioq; nitent habitacula sumptu :
- 4²⁵ Vestra etiam intererit, non spreto Numine, rursus,
 Quas sensisse semel satis est, arcessere flammæ.
 Non modico contempta luuntur sacra periclo :
 Nec squalent impune Aræ. Par culpa neganti est,
 Indigne accepisse Deum ; tenuiq; sacello
 Molibus insanis justum fecisse pudorem,
- 4³⁰ Deniq; , (queis toties spissa ignorantia veri
 Objicitur,) mentes tandem despecta Parentum
 Extimulet

Extimulet *Pietas*. Has illa nepotibus *Ædes*
 Condidit ; et dubio *devota* in lumine *Corda*

- 435 Exhibuit. Pudeat majorem a *Sole cornuco*
 Esse *Umbram*, et plenam vicisse *crepuscula* *Lucem*.
Te vero, imprimis, quæ *P A U L I* nomina præfers,
 (Si quid *Musa* valet,) quondam venerabilis *Ædes*,
Restitui cupimus. Sive hæc tibi gloria restat

- 440 *C A R O L E*, qua *Titulos* pietas tua vincat *Avitos* :
 Seu, quis *Mauritij* in *Cathedra Successor*, honores
Æmulus æquales paribus sibi destinat ausis :
 Seu vos hæc tangit *venerande Matris Alumnos*
Religio, ut *proprijs* renovet *proventibus ævum* :

- 445 Seu res *communi* reparanda est publica *Censu* :
Munifica sive illa *manu* fastigia surgent :
 Sive opus *unitis* cunctorum *sumptibus* uni
 Immenso est operi : pigeat *nudata* jacere
 Culmina sacra, novæ *minitantiæ* desuper *Urbi*.

- 450 Nec jactent tantas cum *nostra habitacula* gazas
 Objiciant *istæ* probra haud indigna *Ruinæ*.

Sin, subit immensæ nos *desperatio Landis* ;
Unaq; sit vastis *impar* conatibus *etas* :

Jacta tamen nostro *fundamina* debeat *ævo* ;

- 455 Nec *tota* ad *feros* pertingat *Fama* *Nepotes*,
Antiquæ *Fidei* *Monumenta*, ipsiq; *coæva*,
 In solidum a tantis *solos* revocasse *ruinis*.

Vos, quibus immodicas amplexu *strangulat* *Arca* :
Divitias ; & queis *tenebris* damnata *secundis*

- 460 *Squalet lamina* situ ; tereti laxate *Metallo*

Vincula, ut illustri fulgorem contrahat usu.

Vos quoq; facundo qui semina spargitis arvo

Poscitis & grandi cumulatam fœnore sortem :

Credite opes, ubi tuta Fides ; ubi Sponsor honestat

465 *Ufuras, angetq; simul. Sic, ubere gleba*

Fætificet vobis, non aucto crimine, nummus

Purus, obærato facitis dum Nomina Cælo.

Et vos, quos solo dites facit aspera voto

Paupertas, (et in his, censerî nemo Poetis

470 *Invidet,) Ingenio, cœptis, Precibusq; favete :*

(Viribus instar habet Facti defecta voluntas,)

Dum Piscatoris turgenti nomine Sedi,

Invidiosa colat Mundi fastigia Doct̃or.

* Monendus
est Lector, huc
versus & se-
quentes ali-
quot, referen-
dos esse ad
Tempus quo
scriptum fuit
hoc Poema, sc.
ineunte men-
se Febr 1667

* Gratulor interea, mitis tibi commoda Bruma,

(LONDNI M,) & cælo caput exeruisse sereno.

475 *Tessera divini certe hæc non parva favoris*

Nascenti concessa Tibi est, quod verna rigentem

Temperies hyemem compefcuit. Ipsaq; Cunis

Indulfit Natura tuis, dum tempore iniquo,

480 *Ante remigrantes permulsit frigora Soles.*

Viscera dum facilis fodienti Terra recludit ;

Nec pluvia Boreas confundit rudera lana ;

Vitrea nec madida dependet stiria Trulla ;

Jacta nec insinuans penetrat fundamina crusta,

Nec crudus fluido paries humore labascit.

485 *O nimium Urbs dilecta Deo, cui fœdera Mundi*

Permiscere datum, rerumq; invertere cursus ;

Cui variant Elementa vices ; cui mobilis Annus ;

In vetita æstivos transpōnit tempora Menses !

490 Certe, magna dabit mox incrementa *benigno*
Cœlum Sole tepens, cum fervidus Axe propinquo,
Laniger, ardenti commovit bella Juvenco,
Cum Tempestatem prænuncia Lumina, Fratres,
Æquoreo tradent rutilantem Hyperiona Cancro :

495 Cum rabida arentis spumabunt ora *Leonis*
 Et pavidam irata terrebunt voce *Puellam :*
 Talibus *effætus* si germinet ædibus *annus.*
 Et crescant celebres sub *inerti* *fidere* Moles.

Scilicet, ut (*patula potis radice culnullis,*

500 Quos *inclinata* diffudit *Aquarius Urna,*)
 Cum verno *Zephyrus* laxaverit arva tepore,
 Mox tenero quævis fætu *protuberat Arbor,*
 Explicat & *refluo* turgentia germina *succo ;*
 In *flores lascivit* humus ; *frondescere* sylva

505 Incipit, & redeunt decusli frigore *honores :*
 Sic tua *protudent* re divivo s *rudera* Murcs,
Urbis & ambusto nova *culmina* stipite *crescent.*

Quæ *serie* conferta sua *conformia* longis
Compita distribuent *spatijs,* ubi nobilis *Ordo*
 510 *Transmittit, retinetq;* simul mirantia passim
Lumina ; nec quovis *intercipiente* retusus
 Mergitur in *vasto* visus deductus *Inani.*

Sic, ubi in *excultis* plantas disponimus *Hortis*
Multifidus vario quos instruit ordine *Quincunx,*
 Undiq; longa aciem vibrantibus area *cælum*
 515 *Admover* extremis *suspendens* *sidera* ramis.

Quaque

- Quaq; hærebat *Iter*, vel *flammæ* major in arcto
 Sæviera *rabies*; latebraeve obscura viarum
 Præbuerant *sceleri*; vel *densa* habitacula *morbis*
 520 *Materia* dederant: *laxato limite*, magnæ
 Pendentur *Plateæ*; spatio *commercia* crescent;
 Quaq; patet *flammis* *Via*, non arcebitur *Uda*;
 Et *Testem* loca quaq; dabunt; & *pervius* Aër
Crebra salutifero propellet *funera* flatu.
- 525 Et quanquam *expansis* cedant *enormia* vicis
 Fundamenta, loco passim *summo* a priori:
 Non erit *Urbs* *minuendo* minor, dum (*littoris* instar,
 Cui, licet hinc tumido labefiat vortice *clivus*,
 Inde pari spatio *cubitus* vada sicca reponunt:)
- 530 Pensant *crassitiem* procero *vertice* testæ
 Exæquata sibi; quantumq; *abscedere* iussit
Terminus a cellis, *furantur* culmina *caelo*.
 Deniq; , *præsaga* qualem concepimus *Urbem*
Mentis, oculis *lustrare* dabit (nisi gratia votis
- 555 Defuerit,) *Pater Omnipotens*: felicior unde
 In *senium* Vates, & *canos* defluet *annos*.
 Quin et, si tantis *natum* modo casibus *ætas*
Emeritum, jam opere exacto, prædetur *acumen*,
Repat ut in *reliquo*, si quod sit, *carmine* *Musa* :
 540 *Natales* celebrasse *suos* (*Urbs* inclyta) tanti
Æstimat, Ingenij ut *vilescant* *damna* relictis
Tu quoq;, quem nuper *Cives* videre *cadentis*
Palvere conspersum, & late volitante *favilla*;
CAROLE, *surgentis* fies *Spectator* & *Auctor*.

545 Et quæ sera sciet nostris *collapsa* Diebus
Mænia Posteritas, pariter *meliora* videbit,
 Quamq; *tu*s maculam *Fastis* illevertit *Urbis*
Subversa funus, delebit *fama* renate.

Forſitan & ſæclo quæ dicta *Auguſta* vetuſto eſt,
 550 Vix tanti *abdomen* *Tiuli* tunc apta tueri ;
Æquius *auſpicijs* mutabit *Nomina* *veſtris*,
Condentiſq; memor, poſcet *CAROLINA* vocari.

Quinetiam *antiquis* *nova* cum ſaſtigia conſert,
Lapſaq; præſenti penſat *diſpendia* lucro :
 555 (*Augurio* faciente fidem *Re,*) credimus *Ipfam*,
Vel ſic Malle Mori, quam non ſic poſſe Renāſci.

FINIS.

Conſlagratio Londinenſis. } *Anglo-Latina.*
Londini quod Reliquum. }

Actio in Lond. Incendiarios. } *Latina tantum.*
Londini Renāſcentis Imago. }

June 24. 1668